



Pou Piblikasyon Imedya: 21/03/2023

GOUVÈNÈ KATHY HOCHUL

GOUVÈNÈ HOCHUL ANONSE 13.5 MILYON DOLA KÒM PRIM NAN TWAZYÈM FAZ KONPETISYON BILDING EKSELANS PLIS PASE 48 MILYON DOLA A

Yo te anonse tou finansman pou konsepsyon ki nan premye faz yo pou sipòte integrasyon solisyon ki gen fèb emisyon kabòn depi nan kòmansman konsepsyon an

Sipòte objektif Gouvènè a pou devlope de milyon kay ki bon pou klima

Fè avanse objektif Lwa sou Lidèchip Klimatik ak Pwoteksyon Kominotè a pou diminye emisyon gaz efè sè yo jiska 85 poustan disi 2050

Jodi a Gouvènè Kathy Hochul te anonse yo deja akòde 13.5 milyon dola nan 14 pwojè atravè twazyèm faz konpetisyon Bilding Ekselans (Buildings of Excellence) plis pase 48 milyon dola a ki rekonèt konsepsyon, konstriksyon ak operasyon bilding miltifamilyal ki pwòp, rezistan epi ki gen fèb emisyon kabòn oswa ki net an kabòn. Anplis de prim sa yo pou pwojè demonstrasyon yo, yo te anonse tou 1.1 milyon dola pou sipò konsepsyon ki nan premye faz yo pou ede asire solisyon fèb emisyon kabòn ki pi rantab la entegre nan pwojè yo depi nan kòmansman konsepsyon an. Konpetisyon an sipòte objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a pou diminye emisyon gaz a efè sè yo nan 85 poustan disi 2050 epi pou omwen 35 poustan, avèk yon objektif 40 poustan, nan avantaj envestisman enèji pwòp yo prale nan kominate defavorize yo. Anons jodi a sipòte objektif Gouvènè Hochul pou l devlope de milyon kay ki bon pou klima disi 2030.

"New York ap leve defi chanjman klimatik la epi sektè bilding nou an ap ede trase chemen an", **Gouvènè Hochul te deklare**. "Non sèlman pwojè sa yo ap demonstre konstriksyon zewo emisyon posib, men tou l ap pwouve ke priyorize ekite ak jistis nan tranzisyon nou nan enèji pwòp kreye yon New York ki pi solid ak pi an sante pou tout moun".

Anons jodi a te fèt pandan yon seremoni prim ki te fèt nan Sant pou Achitekti branch American Institute of Architects New York (AIA NY) nan Vil New York. Lanse an 2019, konpetisyon sa a inik nan Etazini epi se Otorite Rechèch ak Developman Enèji nan Eta New York (New York State Energy Research and Development Authority, NYSERDA) ki administre li pou bay ankourajman finansye ak rekonesans pou konsepsyon,

konstriksyon, ak operasyon biling pwòp, rezistan epi ki emèt kabòn ki fèb oswa zewo. An total, konpetisyon an te bay prim pou 56 pwojè nouvo konstriksyon ak pwojè renovasyon trè modèn, ki gen ladan plis pase 1,300 inite ki pral sèvi fanmi ki gen revni ba rive nan modere yo avèk 52% pwojè yo nan kominote defavorize yo.

Prezidan ak Direktè Egzekitif Jeneral Rechèch ak Developman Enèji Eta New York la, Doreen M. Harris, te deklare, "Nou felisite gayan jodi yo epi patikilyèman fyè pou angajman yo pou fè avanse konsepsyon biling avèk fèb emision kabòn ki etabli yon nouvo estanda pou konstriksyon ak operasyon ki bon pou klima. Gayan sa yo rejwenn yon gwoup lidè vizyonè k ap trase wout pou atake you nan sektè ki emèt plis gaz a efè sè nan eta a nan demontre ke biling ki gen fèb anprent kabòn yo pwofitab epi gen demann pou yo".

Yo te egzije aplikan yo nan konpetisyon an pou yo demontre konsepsyon ki rantab, ki gen fèb emision kabòn oswa ki net an kabòn ki pwofitab pou devlopè yo, ki ofri revni ak depans previzib, epi ki bay yon avantaj konpetitif pandan y ap kreye an menm tan yon espas konfòtab, an sante, ak abòdab pou okipan biling yo. Pwojè gayan yo gen obligasyon tou pou yo bay done konplè sou konsepsyon, konstriksyon ak depans ki ka analize ak pataje pou ogmante kantite biling ki emèt degajman kabòn fèb oswa zewo degajman kabòn nan Eta New York.

Architectural League of New York te rekonèt kat nan gayan yo jodi a avèk yon 'Riban Ble pou Ekselans nan Konsepsyon' pou estetik, fonksyon, dirabilite, ak paske yo pwouve ke konsepsyon ki net an kabòn ka montre bote, fonksyon ak koneksyon nan kominote yo. Yon panèl endependan achitèk trè akonpli, ke Rosalie Genevro, Direktè Egzekitif Architectural League ap dirije, te chwazi benefisyè Riban Ble yo, ki gen ladan: Illya Azaroff, +Lab ak Professor New York City College of Technology; Pam Campbell, COOKFOX; Arthur Liu, Studio Gang; Julie Nelson, BKSK Architects; ak Stacie Wong, Gluck+.

Pwen esansyèl nan demonstrasyon pwojè yo bay prim jodi a gen ladan yo:

- **Lojman Abòdab** - 56% rezidans yo ki pral konstwi pral sèvi kliyan revni ba rive modere avèk mwatye nan tout pwojè ki jwenn prim yo k ap sèvi kominote defavorize yo;
- **Pare pou Elektrik Nèt/Net an Kabòn** - 100% pwojè yo pare pou yo elektrik nèt ak net an kabòn, sa vle di yo trè efikas ak san okenn itilizasyon konbisyon gaz fosil sou sit pou operasyon chak jou yo;
- **Estanda Kay Pasif (Passive House)** - 10 pwojè angaje nan estanda Kay Pasif, sa vle di konsepsyon ak konstriksyon/renovasyon pou estanda ki trè efikas nan enèji, ki deja ap atenn gwo nivo konfò, sante ak rezistans pou okipan yo nan biling lan; epi
- **Enklizyon Enèji Solè** - 12 pwojè yo enkòpore pwodiksyon enèji solè fotovòltayik (photovoltaic, PV), kote youn gen ladan estokaj enèji.

Gayan Twazyèm Faz Biling Ekselans yo se:

Rejyon Kapital: 2 milyon dola, de pwojè

- Lafayette Apartments*: Rosenblum Group -- Schenectady, NY
- 1818 Fifth Ave Passive House*: The Rosenblum Companies - Troy, NY

Mohawk Valley: 1 milyon dola, yon pwojè

- EcoFlats nan Log City Faz 1: Bruns Realty Group, LLC - Amsterdam, NY

Finger Lakes: 1 milyon dola, yon pwojè

- Pasèl 7*: PathStone Development Corporation - Rochester, NY

Mid-Hudson: 1 milyon dola, yon pwojè

- Rezidans yo nan Sterlington: Watchtower Bible and Tract Society of New York, Inc. - Sloatsburg, NY

Vil New York: 8.5 milyon dola, nèf pwojè

- SOMA - Bilding BOLTEX: GRA Equities - New York, NY
- 439 West 36th Street ak 489-501 9th Avenue: ZD Jasper Realty, New York, NY
- Highbridge*: Samaritan Daytop Village - Bronx, NY
- Magnolia Gardens*: Asian Americans for Equality - Flushing, New York
- Livonia C3*: Catholic Charities POP Development Corp - Brooklyn, NY
- Reyamenajman Variety Boys and Girls Club*: Variety Boys and Girls Club of Queens, Inc. - Long Island City, NY
- Developman Shore Hill: Jonathan Rose Companies - Bay Ridge Brooklyn, NY
- Castle III: Fortune Society - New York, NY
- Sant Atistik ak Apatman nan Brownsville*: Brownsville Arts Owner LLC - Brooklyn, NY

**Pwojè a se yon riban ble tou pou gayan Ekselans nan Konsepsyon an.*

Prim yo bay jodi a nan kad eleman Sipò Konsepsyon Bonè 2 milyon dola a bay finansman ki baze sou pòte pwojè a pou atenn konsepsyon net an kabòn ke patnè konsepsyon an pwopoze, dimansyon pwojè a, lokal, nouvo konstriksyon oswa reyitilizasyon adapte ak prezèvasyon istorik.

Gayan Sipò Konsepsyon nan Premye Faz yo se:

Okipasyon pou moun ki gen revni ba rive modere:

Vil New York - 558,550 dola - kat pwojè

- CVA+Casita**: Magnusson Architecture & Planning PC - New York, NY
- Twa Atizay: Curtis + Ginsberg Architects - New York, NY
- Developman Shore Hill: Curtis + Ginsberg Architects - Brooklyn, NY
- The Beacon**: Paul A. Castrucci Architects - New York, NY

To Okipasyon Mache:

Distri Kapital - 494,815 dola - de pwojè

- EcoFlats nan Log City: Black Mountain Architecture - Amsterdam, NY
- 1818 Fifth Ave Passive House**: Media Alliance, Inc., Troy, New York -

Southern Tier: 110,000 dola - yon pwojè

- Bank Loft: River Architects - Richfield Springs, NY

***Pwojè a sitiye nan yon zòn yo deziyen kòm yon kominate ki defavorize.*

Pou jwenn yon lis konplè tout pwojè Bilding Ekselans yo bay prim yo, tanpri vizite [sit entènèt](#) NYSERDA a.

Prezidan Komisyon Fonksyon Piblik Eta New York Ia, Rory M. Christian, te deklare, "Mwen bat bravo pou angajman Gouvènè Hochul pran pou ankouraje konsepsyon ak developman bilding ki nouvo ak gen fèb emisyon kabòn nan Eta New York. Gayan yo jodi a pral ede prepare teren pou kwasans alavni ak opòtinite nan endistri konstriksyon ki trè enpòtan an".

RuthAnne Visnauskas, ki se Komisè Renouvelman Kay ak Kominote (Homes and Community Renewal, HCR) nan Eta New York, te deklare, "Objektif anbisye Lwa sou Lidèchip Klimatik ak Pwoteksyon Kominotè a kontinye fè New York avanse pou tounen yon eta ki net an kabòn. Plis pase 13 milyon dola yo te bay jodi a pou 14 pwojè yo atravè konpetisyon Bilding Ekselans NYSERDA yo pral kreye ak prezèvè bilding ki gen fèb emisyon kabòn ak efikas nan enèji atravè New York, avèk plis pase mwatye kay yo k ap konstwi pou sèvi Nouyòkè ki gen revni ba rive nan modere yo nan kominate defavorize yo. Mwen felisite benefisyè yo ak remèsye NYSERDA paske y ap ede nou konstwi yon avni ki meyè, pi pwòp ak pi dirab".

Manm Asanble Didi Barrett te deklare, "Nou tout konnen ke bilding yo se gwo kontribitè nan emisyon kabòn global yo epi nou tout rekonèt bezwen esansyèl pou nouvo lojman -- espesyalman lojman abòdab - nan kominate yo atravè New York. Kidonk, li eksitan espesyalman pou nou wè achitekti inovatè ak konpayi konsepsyon yo nan eta a k ap konbat difikilte ki egziste sa yo nan fason inovatè ak kreyatif. Felisitasyon pou gayan yo jodi a nan prim Bilding Ekselans yo. Nou rekonesan pou yo paske yo te itilize talan yo pou ede eta nou an dirije atravè egzanp".

Manm Asanble Linda B. Rosenthal te deklare, "Pa gen mwayen pou kontoune li - jistis anviwònmantal ak jistis nan lojman mache men nan men. Pandan eta yo atravè peyi a ap chèche konbat chanman klimatik yon fason global, New York dwe fè tout sa ki posib pou asire enfrastrikti lojman nou an prepare pou reponn a moman sa a. Plan Eta a pou devlope de milyon kay ki bon pou Klima ak abòdab sètènman se yon etap nan bon direksyon an epi pral kontribiye anpil pou favorize yon anviwònman ki pi vèt ak pi an sante pou tout Nouyòkè yo. Mwen pa ka tann pou m travay ansanm ak Gouvènè a ak kolèg mwen yo pou m kontinye defann règleman yo ki bon pou anviwònman an ki priyorer byennèt lokatè ak mèt kay yo".

Rosalie Genevro, Direktris Egzekitif, Architectural League, te deklare, "Yon lòt fwa ankò ane sa a, pwogram Bilding Ekselans NYSERDA yo ap katalize, sipòte ak mete aksan sou pwojè konseptè ak devlopè ki ap fòje davans avèk efò anbisye pou kreye yon avni ki pi rezistan ak fèb an kabòn pou Nouyòkè yo. Architectural Leauge fyè pou I travay avèk NYSERDA pou fè kalite konsepsyon jeneral--ki enkli relasyon entegral ak sit bilding yo, koneksyon solid ak resous kominotè yo, ki gen ladan transpò piblik, ak yon gwo aksan ki solid sou sante, konfò, ak plezi bote—yon pati ki esansyèl nan evalyason pwojè Bilding Ekselans yo".

Direktè Jeneral Konsèy, AIA National, Illya Azaroff, FAIA, te deklare, "Pwojè ke yo rekonèt ak bay prim nan kad pwogram Bilding Ekselans yo reprezante vrè aksyon klimatik. Non sèlman yo se egzanp konsepsyon tanjib gwo pèfòmans sa yo ak adapte pou anviwònman, yo se testaman kijan bon gouvènans ak ekip konsepsyon vizyonè ka kreye yon avni ki dirab, rezistan ak ekitab ansanm. Pwojè sa yo enkòpore yon estrikti pou ekselans nan konsepsyon ki satisfè defi yo nan chanjman klimatik epi se karakteristik pwogram sa a".

Prezidan AIA Eta New York, Paul McDonnell, AIA, te deklare, "Li enpòtan anpil pou yo bay achitèk yo yon plas sou tab la pou diskisyon konsènan konsepsyon entelijan ak aksyon klimatik. Mwen bat bravo pou NYSERDA paske li priyorer ak sipòte egzekisyon solisyon rezistan, ekitab ak dirab atravè konpetisyon Bilding Ekselans yo. Konpetisyon reyisi sa a kontinye bay achitèk yo ak mamm ekip yo opòtinite pou yo aplike konpetans rezolisyon pwoblèm inik yo pou amelyore anviwònman ki konstwi a, pou pi byen pwoteje mond n ap viv ladan an epi pou founi lojman ki nesesè anpil pou kominote n ap sèvi yo".

Jesse Lazar, Direktè Egzekitif pa Enterim, AIA New York ak Sant pou Achitekti a, te deklare, "Kòm yon òganizasyon manm ki angaje pou defann yon anviwònman ki konstwi yon fason pi dirab, AIA New York fyè de patenarya kontinyèl li avèk NYSERDA ak pwogram Bilding Ekselans li yo, yon inisyativ ki enpòtan nan tout eta a nan konbat chanjman klimatik ak kriz lojman. Pwojè gayan yo nan pwogram nan ofri yon modèl enpòtan pou manm nou yo ak endistri a an gwo pou ede redui emisyon gaz a efè sè yo atravè konsepsyon ak konstriksyon kay ki bon pou klima ak bèl".

Sara Bayer, Direktè Asosye AIA, CPHC, LEED ak Direktè Dirabilite Magnusson Architecture and Plannings, te deklare, "Gen yon gwo chanjman k ap fèt nan endistri

nou an nan direksyon kay pasif ak elektrifikasyon, epi pwogram tankou konpetisyon Bilding Ekselans NYSERDA a te akselere li. Travay konsa te ede ranfòse kapasite, konsansis ak konfyans alantou pwodui ak sistèm nou bezwen pou atenn objektif klimatik esansyèl yo. Sa pwouve tou ke lè nou pwodui biling ki pi efikas ak dirab, ou jwenn resous ki meyè ak pi presye epi kote pou viv ki meyè ak pi an sante. Sa pote avantaj pou pwopriyetè ak rezidan yo".

Michael Ingui, Fondatè Passive House Accelerator, te deklare, "Gayan Bilding Ekselans NYSERDA yo vreman nan avangad sa ki posib nan mond biling gwo pèfòmans yo. Yon bann solisyon ak lide inovatè te pataje pandan plizyè ane pase yo, te ede enspire rès kominate achitekti, enjeniri ak konsepsyon an pou avanse nan direksyon biling ki meyè ak gen fèb emisyon kabòn. Gayan faz 3 yo pral trase yon chemen klè pou biling ki pare pou netralite nan kabòn atravè Eta New York ak odela".

Biling yo se youn nan sous ki pi enpòtan nan emisyon gaz ki lakòz efè sè nan Eta New York ak atravè pwogram NYSERDA ak sèvis publik yo, yo ap envesti plis pase 6.8 milya dola pou dekabonize biling yo toupatou nan Eta a. Lè nou amelyore efikasite enèjetik nan biling yo ak fè avanse enstalasyon ekipman estokaj, enèji renouvlab ak ekipman rechaj pou veyikil elektik yo sou plas nan tout eta a, Eta a pral redwi polisyon kabòn li epi atenn sib anbisyé eta te etabli pou l redui konsomasyon enèji pa 185 BTU (British thermal units) disi 2025, ki ap ekivalan a alimantasyon 1.8 milyon kay.

Finansman pou pwogram sa se atravè Fon Enèji Pwòp (Clean Energy Fund) eta a epi li fè pati envertisman plis pase 165 milyon dola NYSERDA nan novo konstriksyon ak pwojè restorasyon konplè nan sektè imobilye miltifanilyal ki gen ladan to mache a ak revni fèv rive nan modere. W ap jwenn plis enfòmasyon sou konpetisyon an ak sou finansman ki disponib atravè li sou [sitwèb NYSERDA](#).

Plan Klimatik Nasional Eta New York

Ajanda klimatik Eta New York la k ap mennen nan nasyon an fè apèl ak yon tranzisyon ki kòrèk epi ki jis ki kreye travay ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envertisman enèji pwòp yo ale nan kominate defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York sou yon chemen pou l genyen yon sektè elektrisite zewo emisyon disi 2040, ki gen ladan pwodisyon enèji renouvlab 70 poustan disi 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envertisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.8 milya dola nan angajman NY Green Bank yo.

Envertisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans 2,100 poustan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout novo machin pasaje yo ak kamyon yo vann nan Eta a gen zewo emisyon disi 2035. Patenary yo ap kontinye fè

avanse aksyon klimatik New York la avèk prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo kominote inisyativ siveyans lè kominotè Eta a nan 10 kominote defavorize atravè eta a pou ede lite kont polisyon lè a ak konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418